



## PROOEMIUM.



CIRCULATIONIS SANGVINIS *historiam*, ævo nostro, & nominatim quidem, Doctissimis Viris, *Waleo & Bartholino*, maximè deberi, ut grâtâ mente recolere decet; Ita ulterior, *scientifica*, hujus negotii cultura, & luculentior partim *explicatio*, partim *applicatio*, nobis utique, successoribus in Medica Arte & Doctrina, incumbit, cum Inventis facilius semper sit aliquid addere, quam ignota illa primò in lucem protrahere, atque perscrutari.

Quid hucusque, in negotio hoc, meliùs *explicandi & applicandi*, Motum hunc *Progressivum* & Humorum, præstitum sit, tantò minus placet ostendere, quantò magis, meas observatiunculas jactare velle, fortè videri possem: Interim certum id utique, & *verum* est, quod non satis pensitatum artificium *Pulsûs* seu *Motus Sanguinis uniformis*, ab intrâ extrorsum, magnum  
A illud